

Të huajt në Shqipëri

Viti 2021

Tiranë, më 22 Gusht 2022: Në fund të vitit 2021, numri i të huajve me leje qëndrimi në Shqipëri rezultoi 14.921 banorë, duke pësuar rritje me 9,6 %, krahasuar me 2020.

Numri i të huajve rezidentë në 2021 dominohet nga meshkujt me 63,0 % kundrejt femrave me 37,0 %.

Numri i aplikimeve për leje qëndrimi në Shqipëri, në vitin 2021 ishte 9.106 aplikime, duke shënuar një rritje me 18,9 %, krahasuar me vitin 2020.


Të huajt rezidentë me origjinë nga Irani, Italia dhe Kosova përbëjnë numrin më madh të të huajve me leje qëndrimi në Shqipëri në 2021, respektivisht me 2.586, 2.324 dhe 1.869 banorë.

Të huajt me origjinë nga Evropa, në vitin 2021 rezultojnë 8.812 banorë dhe përbëjnë 59,1 % të të huajve gjithsej kundrejt 56,8 % që përbënin në 2020.

Arsyeja për punësim është arsyeja kryesore e lejeve të qëndrimit të të huajve në Shqipëri në 2021, me 47,7 %.

Në vitin 2021 janë evidentuar 10.062 të huaj të parregullt në territorin e vendit ku pjesën më të madhe të tyre, e zënë të huajt me origjinë nga Siria dhe Afganistani me 67,0 %

Fig. 1 Të huajt me leje qëndrimi sipas gjinisë




Burimi: Departamenti për Kufirin dhe Migracionin, Drejtoria e Përgjithshme e Policisë së Shtetit, përpunimi INSTAT

Të huajt në Shqipëri

Gjatë 2021 numri i të huajve rezident përbëhet nga 9.400 meshkuj dhe 5.521 femra. Meshkujt zënë 63,0 % në numrin e të huajve me leje qëndrimi në Shqipëri.

Fig. 2 Piramida e popullsisë së huaj rezidente në Shqipëri



Burimi: Departamenti për Kufirin dhe Migracionin, Drejtoria e Përgjithshme e Policisë së Shtetit, përpunimi INSTAT


Numri i aplikimeve për leje qëndrimi në Shqipëri, në vitin 2021 është 9.106 aplikime, duke shënuar një rritje me 18,9 %, krahasuar me vitin 2020. Aplikimet sipas vendit të origjinës nga Irani dhe Italia përbëjnë 42,2 % të aplikimeve gjithsej, në 2021.

Tab. 1 Aplikimet për leje qëndrimi në Shqipëri sipas vendit të origjinës

Vendi i origjinës	2020	2021
Iran	2.324	2.454
Itali	1.119	1.393
Kosovë	916	1.087
Turqi	742	919
SHBA	193	231
Egjipt	210	220
Filipine	80	166
Maqedoni	120	161
Bangladesh	28	154
Siri	177	152
Tjetër	1.752	2.169
Gjithsej	7.661	9.106

Burimi: Departamenti për Kufirin dhe Migracionin, Drejtoria e Përgjithshme e Policisë së Shtetit, përpunimi INSTAT

Fig. 3 Aplikimet për leje qëndrimi në Shqipëri sipas afatit të qëndrimit, 2021




Burimi: Departamenti për Kufirin dhe Migracionin, Drejtoria e Përgjithshme e Policisë së Shtetit, përpunimi INSTAT

Të huajt në Shqipëri sipas kontinenteve

Të huajt me leje qëndrimi në Shqipëri, sipas vendit të origjinës, në 2021 kryesohen nga vendet e Evropës, duke zënë 59,1 % të të huajve rezident gjithsej. Të huajt me origjinë nga Evropa janë 8.812, duke shënuar një rritje me 14,1 %, krahasuar me 2020. Të huajt me origjinë nga Azia janë 4.222, duke shënuar një rritje me 4,3 %, krahasuar me 2020. Të huajt me origjinë nga Amerika, Afrika dhe Oqeania janë 1.887, duke pësuar një rritje me 2,7 %, krahasuar me 2020.

Fig. 4 Të huajt me leje qëndrimi sipas kontinenteve




Burimi: Departamenti për Kufirin dhe Migracionin, Drejtoria e Përgjithshme e Policisë së Shtetit, përpunimi INSTAT

Të huajt në Shqipëri sipas vendit të origjinës

Në 2021 të huajt rezident në Shqipëri me origjinë nga Irani janë 2.586 banorë, duke shënuar një rënie me 0,9 %, krahasuar me 2020. Të huajt me origjinë nga Italia janë 2.324 banorë, duke shënuar një rritje me 12,4 %, krahasuar me 2020. Të huajt me origjinë nga Kosova janë 1.869 banorë, duke shënuar një rritje me 21,2 %, krahasuar me 2020.

Fig. 5 Të huajt në Shqipëri sipas vendit të origjinës, 2021




Burimi: Departamenti për Kufirin dhe Migracionin, Drejtoria e Përgjithshme e Policisë së Shtetit, përpunimi INSTAT

Të huajt në Shqipëri sipas arsyes

Në vitin 2021 të huajt rezident për arsye punësimi zënë 47,7 % të të huajve gjithsej, ndjekur nga arsyet për bashkim familjar me 24,1 %, arsyet për qëllime humanitare me 17,8 %, arsyet për studime 2,8 % dhe arsyet të tjera me 7,5 %.

Fig. 6 Të huajt me leje qëndrimi sipas arsyes, 2021



Burimi: Departamenti për Kufirin dhe Migracionin, Drejtoria e Përgjithshme e Policisë së Shtetit, përpunimi INSTAT

Të huajt me origjinë nga Irani kryesisht dominohen nga arsye humanitare për të marrë leje qëndrimi në Shqipëri (99,3 %).


Te të huajt rezident në Shqipëri me origjinë nga Italia, përveç arsyes për bashkim familjar (61,7 %) vihet re edhe një dominim i arsyes për punësim (17,5 %).

Të huajt me origjinë nga Kosova, kryesohen nga arsyet për punësim (42,3 %) dhe arsyet për bashkim familjar (29,1 %).

Të huajt me origjinë nga Turqia, kryesohen nga arsyet për bashkim familjar (69,2 %) dhe arsyet për punësim (28,9 %).

Të huajt me origjinë nga SHBA dhe Egjipt dominohen nga arsyet për bashkim familjar (respektivisht me 64,3 % dhe 77,0 %).

Fig. 7: Të huajt me leje qëndrimi sipas vendit të origjinës dhe motivit, 2021




Burimi: Departamenti për Kufirin dhe Migracionin, Drejtoria e Përgjithshme e Policisë së Shtetit, përpunimi INSTAT

Të huajt e parregullt

Të huajt e parregullt të evidentuar në territorin e Shqipërisë ose në kufi, pa dokumentacionin e nevojshëm, rezultojnë 10.062 persona në 2021, kundrejt 18.835 personave në 2020.


Fig. 8: Të huajt e parregullt



Burimi: Departamenti për Kufirin dhe Migracionin

Të huajt e parregullt të kapur për herë të parë sipas vendit të origjinës në 2021, kryesohen nga vende si Siria me 5.366 persona, Afganistani me 1.377 persona, Bangladeshi me 832 persona, Maroku 505 persona.

Fig. 9: Të huajt e parregullt sipas vendit të origjinës



Burimi: Departamenti për Kufirin dhe Migracionin, Drejtoria e Përgjithshme e Policisë së Shtetit, përpunimi INSTAT

Metodologjia

Qëllimi i publikimit vjetor i të huajve në Shqipëri është paraqitja e rezultateve dhe treguesve mbi të huajt me leje qëndrimi në Shqipëri sipas grupmohave dhe gjinisë, arsyes së aplikimit, vendeve të origjinës si dhe numrin vjetor të aplikimeve të lejeve të qëndrimit. Publikimi gjithashtu paraqet dhe të huajt e parregullt.

Të dhëna mbi të huajt me leje qëndrimi në Shqipëri si dhe të huajt e parregullt sigurohen nga Departamenti për Kufirin dhe Migracionin.

Përkufizime

I huaj është çdo person, me ose pa shtetësi, i cili, sipas legjislacionit shqiptar, nuk është shtetas shqiptar.

Leje qëndrimi është dokumenti i lëshuar nga autoritetet kompetente, i cili autorizon dhe lejon të huajin të qëndrojë në Republikën e Shqipërisë më shumë se 90 ditë brenda 180 ditëve.

Person pa shtetësi është personi, i cili nuk ka shtetësinë e asnjë shteti.

Leje pune është autorizimi i lëshuar nga autoriteti shtetëror përgjegjës, një të huaji, për qëllime biznesi, për t'u punësuar, vetëpunësuar ose për formim profesional.

Bashkim familjar është hyrja dhe qëndrimi në Republikën e Shqipërisë të anëtarëve të familjes së një shtetasi shqiptar, të cilët nuk kanë shtetësinë shqiptare, ose të një të huaji, ose refugjati, banorë në Republikën e Shqipërisë, me synim ruajtjen e familjes, pavarësisht nëse marrëdhënia familjare krijohet para apo pas hyrjes së të huajit në Republikën e Shqipërisë, në rastet e bashkimit familjar të familjes së të huajit.

Anëtarë të familjes së të huajit, azilkërkuesit, refugjatit apo personit nën mbrojtje plotësuese janë bashkëshorti/bashkëshortja, bashkëjetuesit/bashkëjetuesi, bashkëjetesa e të cilit ka një karakter të qëndrueshëm dhe të provuar; të miturit, fëmijët e pamartuar, pjesë e përbërjes familjare, përfshirë dhe ata të vendosur në regjim të kujdestarisë dhe që janë në ngarkim të tij ose të saj apo të birësuar me vendim gjykate apo një vendimi që zbatohet drejtpërdrejt, sipas detyrimeve ndërkombëtare të Republikës së Shqipërisë ose që duhet të njihet, në përputhje me detyrimet ndërkombëtare, si dhe fëmijët e rritur, të pamartuar, kur ata nuk mundin objektivisht të plotësojnë nevojat e tyre, për shkak të gjendjes së tyre shëndetësore; paraardhësit e shkallës së parë në linjë të drejtë, kur janë në ngarkim të tij, ose bashkëshortes/bashkëshortit, sipas legjislacionit të origjinës dhe nuk gëzojnë mbështetjen e duhur familjare në vendin e origjinës.

Shërbimi vullnetar është një program aktivitetesh solidarizuese, bazuar në veprimtari të njohura në Republikën e Shqipërisë, në zbatim të objektivave të interesit të përgjithshëm.

Studiues dhe specialistë janë të huajt që kanë njohuri të specializuara, thelbësore, për shërbimin, pajisjet kërkimore dhe nivel të lartë kualifikimi për aktivitetin që ushtron ndërmarrja ose institucioni kërkimor.

Qëndrim i parregullt është prania në territorin e Republikës së Shqipërisë të një të huaji, i cili nuk plotëson, ose nuk plotëson më kushtet për hyrje, qëndrim ose banim në territorin e Republikës së Shqipërisë.

Shtet apo vend i origjinës është shteti, shtetësinë e të cilit mban azilkërkuesi apo refugjati dhe, në rastin e personave pa shtetësi, shteti në të cilin refugjati apo azilkërkuesi ka vendbanimin e tij të zakonshëm.